

P A T A V I V M.

ravit, sed & magnum incrementum accepit. Sub Othone etiam ut cæteræ pene Italiæ urbes suo jure uti cœpit: hæc forma Reipublicæ usque ad Fridericum II stetit, tum enim Actiolino Romanino suadente rursus se imperio junxere, & præsidium Germanicum intra urbem acceperunt, & Actiolini jugum, anno 1237. Is potestatem legitimam statim in sævissimam tyrannidem vertit, ideoque absens magistratu ab iis est privatus. Non diu post sub Capitanei nomine Marsilius Carrariensis urbis dominatum ad se contraxit: sed Scaligeris impar, illum Cani Magno cessit; quo defuncto iterum dominatu potitus, decimo anno sine liberis decessit & Vbertinum hæredem fecit anno 1340, qui post sextum annum à Martino Scaligero pulsus; & mox restitutus est: illi successit Marsilius II, quarto die à fratre patruale Jacobino occisus: Jacobinus item à Guilielmo F. notho occisus anno principatus quarto; huic successit Franciscus F. qui præclare Rempublicam administravit, sed cum focerum Barnabam Vice-Comitem liberare satageret, & ipse à Ioanne Galeacio captus in carcere interiit, anno 1388, urbem autem paulo post Franciscus II, superioris filius à Galeacio recepit; vixitque in principatu summo cum metu annos quindecim, usque ad Galeacii exitum, quo tempore Scaligeris nefarie interemis Veronam quoque occupavit, & paulo post eandem amisit: & Venetis supplex factus, ab iisdem in carcerem conditus & mox supplicio fuit affectus: anno 1403, ejus filii Vbertinus & Marsilius in Florentino agro excesserunt, atque ita nobilis Carrariensium familia interiit: urbs autem in Venetorum potestate mansit usque ad annum 1509, quo sub

Maximiliani Imperatoris imperium concessit; sed statim à Venetis recepta, tamque egregie permunita fuit, ut postea à maximo confœderatorum exercitu obsessa expugnari minimè potuerit.

In agro Patavino vicus est hodie, quatuor millia passuum à Patavio versus meridiem diffusus, vulgari vocabulo *Abano* & corruptiore *Eban* Fontes Aponi. Hinc à quingentis passibus ad radices montium conspiciuntur fontes calidarum & maxime medicinalium aquarum, quæ à dicto vico cognominantur vulgo *Bagni d' Abano*. hæc Plinio lib. II, cap. CIII, dicuntur *Patavina aqua*; & lib. XXXI, cap. V, *Patavini fontes*. Silio lib. XII, Lucano lib. VIII. Claudianus autem eleganter eundem *Aponum fontem* depinxit epigram. VIII, quod nimis longum esset hic referre; uti & illud Theodorici, Gothorum regis, accuratissime eum describentis, apud Cassiodorum in Variar. lib. II, epist. XXXVIII. Martialis lib. VI, epigram. XLIII:

*Etrusci nisi termulis laveris,
Illotus morieris Oppiane.
Nulla sic tibi blandientur undæ;
Nec fontes Aponi, rudes puellis.*

Præter hos fontes sunt & aliæ aquæ calidæ Aliæ aquæ calidæ. eodem tractu: ut à mille passibus ad vicum D. Petri; & hinc ad 1000 passus apud montem Grotum: inde vero ad 11 millia passuum apud D. Bartholomæum. Verum ex his binæ posteriores locis erumpunt planis: ubi parvæ est clivus saxeus, clementer editus ac molliter in orbem tumens; cujus summum ferventis aquæ innumeræ pene scaturigines perforant, mirumque in modum recurvis flexuosisque viis decurrunt.

